

Na osnovu člana 71. i člana 125. Statuta Općine Vogošća Vogošća („Službene novine Kantona Sarajevo“, broj: 27/14 - Prečišćen tekst, 14/15 i 9/20), općinski Načelnik donosi:

P R A V I L N I K
O DODJELI FINANSIJSKIH SREDSTAVA IZ BUDŽETA OPĆINE VOGOŠĆA
ZA OBOLJELE OD CELIJAKIJE

Član 1.

Pravilnikom o dodjeli finansijskih sredstava za oboljele od celijakije (u daljem tekstu Pravilnik) utvrđuju se uvjeti, kriteriji, visina pomoći i način dodjele pomoći osobama oboljelim od celijakije sa područja općine Vogošća.

Član 2.

Finansijska sredstva utvrđena na ekonomskom kodu 614239 - grant za pomoć oboljelim od celijakije, raspoređuje općinski Načelnik zaključkom, a na prijedlog Službe za boračko-invalidsku i socijalnu zaštitu Općine Vogošća (u daljem tekstu Služba) u skladu sa utvrđenim uvjetima, a na osnovu podnesenih zahtjeva putem protokola Općine Vogošća (u daljem tekstu: Općina).

Član 3.

Sva fizička lica koja imaju prebivalište na području općine Vogošća i koja su oboljela od celijakije imaju pravo na ostvarivanje pomoći iz Budžeta.

Član 4.

- 1) Finansijska pomoć će se dodjeljivati u visini od 300,00 (tristotine) KM u skladu objezbjeđenim finansijskim sredstvima za tekuću godinu u Budžetu Općine Vogošća,
- 2) Odobrena finansijska sredstva će se isplaćivati na transakcijski račun podnosioca zahtjeva, a putem Službe za budžet i finansije.

Član 5.

Uvjeti za ostvarivanje prava na dodjelu novčanih sredstava iz člana 1. ovog Pravilnika su:

- a) da osoba ima prebivalište na području općine Vogošća;
- b) da osoba boluje od celijakije.

Član 6.

Osobe koje ispunjavaju uvjete definisane članom 5. Pravilnika prilikom podnošenja zahtjeva za ostvarivanje prava dužni su dostaviti sljedeću dokumentaciju (original ili ovjerenu fotokopiju):

- ovjerena fotokopija lične karte podnosioca zahtjeva;
- cips prijava o mjestu prebivališta (ne starija od mjesec dana);
- izjava o zajedničkom domaćinstvu;
- izvod iz matične knjige rođenih;
- uvjerenje o državljanstvu;
- dokaz i nalazi koji potvrđuju da osoba boluje od celijakije.

Član 7.

Zahtjev za ostvarivanje prava po Pravilniku podnosi se Službi za boračko-invalidsku i socijalnu zaštitu putem protokola Općine Vogošća na propisanom obrascu.

Član 8.

Korisniku ovog prava se može odobriti pomoć samo jednom u toku budžetske godine.

Član 9.

Izmjene i dopune ovog Pravilnika vršit će se na način i po postupku koji važi za njegovo donošenje.

Član 10.

Ovaj pravilnik stupa na snagu narednog dana od dana objavljivanja na oglasnoj ploči Općine Vogošća.

Broj: 09-31-734/21

Datum: 04.05.2021.g.



OPĆINSKI NACELNIK

Edin Smajić
Edin Smajić